

Pleidleisiau a Thrafodion – Y Cyfarfod Llawn

Lleoliad y cyfarfod:

Y Siambr – Y Senedd

Dyddiad y cyfarfod:

Dydd Mercher, 27 Tachwedd 2024

Amser y cyfarfod: 13.30

Gellir gwyllo'r cyfarfod ar [Senedd TV](http://senedd.tv/cy/14184) yn:

<http://senedd.tv/cy/14184>

245

Cynhaliwyd y cyfarfod hwn ar ffurf hybrid, gyda rhai Aelodau yn Siambr y Senedd ac eraill yn ymuno drwy gyswllt fideo.

1 Cwestiynau i Ysgrifennydd y Cabinet dros yr Economi, Ynni a Chynllunio

Dechreuodd yr eitem am 13.30

Gofynnwyd yr 8 cwestiwn cyntaf. Atebwyd cwestiwn 4 gan y Gweinidog Diwylliant, Sgiliau a Phartneriaeth Gymdeithasol. Gwahoddodd y Llywydd lefarwyr y pleidiau i ofyn cwestiynau i'r Ysgrifennydd Cabinet ar ôl cwestiwn 2.

2 Cwestiynau i Ysgrifennydd y Cabinet dros Iechyd a Gofal Cymdeithasol

Dechreuodd yr eitem am 14.21

Gofynnwyd cwestiynau 1 a 3–9. Tynnwyd cwestiwn 2 yn ôl. Atebwyd cwestiwn 3 gan y Gweinidog Plant a Gofal Cymdeithasol. Atebwyd cwestiynau 7 a 8 gan y Gweinidog Iechyd Meddwl a Llesiant. Gwahoddodd y Llywydd lefarwyr y pleidiau i ofyn cwestiynau i'r Ysgrifennydd Cabinet ar ôl cwestiwn 3.

3 Cwestiynau Amserol

Ni dderbyniwyd unrhyw gwestiynau amserol



Senedd Cymru
Welsh Parliament

4 Datganiadau 90 Eiliad

Dechreuodd yr eitem am 15.06

Gwnaeth **Mabon ap Gwynfor** ddatganiad am – Wythnos Ymwybyddiaeth y Byd o Ymwrthedd Gwrthficrobaidd.

5 Datganiad gan James Evans – Y diweddaraf am y Bil Safonau Gofal Iechyd Meddwl (Cymru) arfaethedig

Dechreuodd yr eitem am 15.08

6 Dadl ar adroddiad Pwyllgor yr Economi, Masnach a Materion Gwledig – Banc Datblygu Cymru

Dechreuodd yr eitem am 15.23

NDM8746 [Paul Davies \(Preseli Sir Benfro\)](#)

Cynnig bod y Senedd:

Yn nodi adroddiad Pwyllgor yr Economi, Masnach a Materion Gwledig ar Fanc Datblygu Cymru, a [osodwyd](#) yn y Swyddfa Gyflwyno ar 12 Gorffennaf 2024, ac y [gosodwyd](#) ymateb iddo gan Lywodraeth Cymru ar 20 Tachwedd 2024. [Ymatebodd](#) Banc Datblygu Cymru ar 4 Medi 2024 (Saesneg yn unig), a [rhoddwyd](#) ymateb wedi'i ddiweddarau ar 29 Hydref 2024 (Saesneg yn unig).

Derbyniwyd y cynnig yn unol â Rheol Sefydlog 12.36.

7 Dadl ar adroddiad y Pwyllgor Cyfrifon Cyhoeddus a Gweinyddiaeth Gyhoeddus – Craffu ar Gyfrifon: Amgueddfa Cymru 2021–22

Dechreuodd yr eitem am 16.00

NDM8745 [Mark Isherwood \(Gogledd Cymru\)](#)

Cynnig bod y Senedd:

Yn nodi adroddiad y Pwyllgor Cyfrifon Cyhoeddus a Gweinyddiaeth Gyhoeddus, ‘Craffu ar Gyfrifon: Amgueddfa Cymru 2021–22’, a [osodwyd](#) yn y Swyddfa Gyflwyno ar 26 Mehefin 2024.

Sylwer: [Gosodwyd](#) ymateb Llywodraeth Cymru i'r adroddiad yn y Swyddfa Gyflwyno ar 20 Tachwedd 2024. [Ymatebodd](#) Amgueddfa Cymru ar 4 Hydref 2024.

Derbyniwyd y cynnig yn unol â Rheol Sefydlog 12.36.

8 Dadl y Ceidwadwyr Cymreig – Rhyddhad eiddo amaethyddol

Dechreuodd yr eitem am 16.38

Gohiriwyd y bleidlais ar y cynnig a’r gwelliannau o dan yr eitem hon tan y Cyfnod Pleidleisio.

Cynhaliwyd pleidlais ar y cynnig heb ei ddiwygio:

NDM8747 [Darren Millar \(Gorllewin Clwyd\)](#)

Cynnig bod y Senedd:

Yn galw ar Lywodraeth Lafur y DU i wyrdroi ei phenderfyniad i osod treth fferm deuluol ar fusnesau amaethyddol.

O blaid	Ymatal	Yn erbyn	Cyfanswm
24	0	26	50

Gwrthodwyd y cynnig heb ei ddiwygio.

Cyflwynwyd y gwelliannau a ganlyn:

Gwelliant 1 [Jane Hutt \(Bro Morgannwg\)](#)

Dileu popeth a rhoi yn ei le

Cynnig bod y Senedd:

1. Yn cydnabod cyfraniad pwysig ffermwyr at ein heconomi, ein prosesau cynhyrchu bwyd, ein hamgylchedd a'n cymunedau.
2. Yn nodi penderfyniad Llywodraeth y DU i newid y rhyddhad eiddo amaethyddol.
3. Yn cydnabod bod newidiadau Llywodraeth y DU i eyddhad eiddo amaethyddol wedi'u gwneud o fewn cyd-destun y niwed a achoswyd gan Lywodraeth flaenorol y DU i wasanaethau cyhoeddus a'r diffyg o £22 biliwn mewn arian cyhoeddus.
4. Yn croesawu cymorth amrywiol Llywodraeth Cymru i ffermwyr, gan gynnwys sicrhau estyniad i ryddhad eiddo amaethyddol o fis Ebrill 2025 i gynnwys y Cynllun Ffermio Cynaliadwy.

Cynhaliwyd pleidlais ar welliant 1:

O blaid	Ymatal	Yn erbyn	Cyfanswm
26	0	24	50

Derbyniwyd gwelliant 1.

Gwelliant 2 [Heledd Fychan \(Canol De Cymru\)](#)

Ychwanegu fel pwynt newydd ar ddiwedd y cynnig:

Yn galw ar Lywodraethau Cymru a'r DU i gynnal asesiad manwl o effaith y newidiadau trethianol ar fusnesau amaethyddol, er mwyn deall yr effaith y mae'n debygol o'i gael ar gynaliadwyedd a hyfywedd ffermydd teuluol yng Nghymru.

Cynhaliwyd pleidlais ar welliant 2:

O blaid	Ymatal	Yn erbyn	Cyfanswm
24	0	26	50

Gwrthodwyd gwelliant 2.

Cynhaliwyd pleidlais ar y cynnig fel y'i diwygiwyd:

Cynnig bod y Senedd:

1. Yn cydnabod cyfraniad pwysig ffermwyr at ein heconomi, ein prosesau cynhyrchu bwyd, ein hamgylchedd a'n cymunedau.
2. Yn nodi penderfyniad Llywodraeth y DU i newid y rhyddhad eiddo amaethyddol.
3. Yn cydnabod bod newidiadau Llywodraeth y DU i eyddhad eiddo amaethyddol wedi'u gwneud o fewn cyd-destun y niwed a achoswyd gan Lywodraeth flaenorol y DU i wasanaethau cyhoeddus a'r diffyg o £22 biliwn mewn arian cyhoeddus.
4. Yn croesawu cymorth amrywiol Llywodraeth Cymru i ffermwyr, gan gynnwys sicrhau estyniad i ryddhad eiddo amaethyddol o fis Ebrill 2025 i gynnwys y Cynllun Ffermio Cynaliadwy.

O blaid	Ymatal	Yn erbyn	Cyfanswm
26	0	24	50

Derbyniwyd y cynnig fel y'i diwygiwyd.

9 Dadl y Ceidwadwyr Cymreig – Busnesau bach a threthiant

Dechreuodd yr eitem am 17.06

Gohiriwyd y bleidlais ar y cynnig a'r gwelliannau o dan yr eitem hon tan y Cyfnod Pleidleisio.

Cynhaliwyd pleidlais ar y cynnig heb ei ddiwygio:

NDM8748 [Darren Millar \(Gorllewin Clwyd\)](#)

Cynnig bod y Senedd:

1. Yn nodi y bydd Dydd Sadwrn y Busnesau Bach yn cael ei gynnal ar 7 Rhagfyr 2024.
2. Yn cydnabod y cyfraniad hanfodol y mae busnesau bach yn ei wneud o ran creu swyddi, cefnogi cymunedau a datblygu economïau lleol ledled Cymru.
3. Yn credu bod Llywodraeth Lafur y DU wedi torri ymrwymiad maniffesto drwy godi cyfraniadau yswiriant gwladol ac yn nodi bod Consortiwm Manwerthu Prydain a 79 o arweinwyr manwerthu amlwg wedi dweud y bydd y cynnydd yn arwain at brisiau uwch, swyddi'n cael eu colli, a niwed i lefelau buddsoddi.
4. Yn galw ar Lywodraeth Cymru:
 - a) i wneud sylwadau brys i Lywodraeth y DU o blaid gwyrddroi'r cynnydd mewn cyfraniadau yswiriant gwladol; a
 - b) dychwelyd rhyddhad ardrethi busnes i 75 y cant ar gyfer y sector manwerthu, lletygarwch a hamdden i gefnogi busnesau bach a diogelu swyddi.

O blaid	Ymatal	Yn erbyn	Cyfanswm
24	0	26	50

Gwrthodwyd y cynnig heb ei ddiwygio.

Cyflwynwyd y gwelliant a ganlyn:

Gwelliant 1 [Jane Hutt \(Bro Morgannwg\)](#)

Dileu popeth ar ôl pwynt 2 a rhoi yn ei le:

Yn nodi penderfyniad Llywodraeth y DU i gynyddu cyfraniadau yswiriant gwladol cyflogwyr yng nghyllideb yr Hydref er mwyn ceisio sefydlogi sefyllfa ariannol y wlad.

Yn cydnabod bod rhyddhad ychwanegol ar gyfer ardrethi annomestig wedi bod ar gael i fusnesau manwerthu, hamdden a lletygarwch ers pum mlynedd yn olynol, am gost o £1 biliwn, ynghyd â phecyn blynyddol Llywodraeth Cymru o ryddhad ardrethi parhaol gwerth £250 miliwn.

Cynhaliwyd pleidlais ar welliant 1:

O blaid	Ymatal	Yn erbyn	Cyfanswm
26	0	24	50

Derbyniwyd gwelliant 1.

Cynhaliwyd pleidlais ar y cynnig fel y'i diwygiwyd:

Cynnig bod y Senedd:

- Yn nodi y bydd Dydd Sadwrn y Busnesau Bach yn cael ei gynnal ar 7 Rhagfyr 2024.
- Yn cydnabod y cyfraniad hanfodol y mae busnesau bach yn ei wneud o ran creu swyddi, cefnogi cymunedau a datblygu economïau lleol ledled Cymru.
- Yn nodi penderfyniad Llywodraeth y DU i gynyddu cyfraniadau yswiriant gwladol cyflogwyr yng nghyllideb yr Hydref er mwyn ceisio sefydlogi sefyllfa ariannol y wlad.
- Yn cydnabod bod rhyddhad ychwanegol ar gyfer ardrethi annomestig wedi bod ar gael i fusnesau manwerthu, hamdden a lletygarwch ers pum mlynedd yn olynol, am gost o £1 biliwn, ynghyd â phecyn blynyddol Llywodraeth Cymru o ryddhad ardrethi parhaol gwerth £250 miliwn.

O blaid	Ymatal	Yn erbyn	Cyfanswm
---------	--------	----------	----------

26	0	24	50
----	---	----	----

Derbyniwyd y cynnig fel y'i diwygiwyd.

10 Cyfnod Pleidleisio

Dechreuodd yr eitem am 17.41

11 Dadl Fer

Dechreuodd yr eitem am 17.45

NDM8733 [Delyth Jewell \(Dwyrain De Cymru\)](#)

Llygredd diwydiannol: Effaith etifeddiaeth ddiwydiannol Cymru ar ein tirweddau

Daeth y cyfarfod i ben am 18.17

Cynhelir Cyfarfod Llawn nesaf y Senedd am 13.30, Dydd Mawrth, 3 Rhagfyr 2024